



Broj: 02-45-2-806/23  
Datum, 15.05.2023. godine

## OPĆINSKO VIJEĆE

### Izveštaj o radu i poslovanju JP «RAD» d.d. Tešanj za 2022. godinu

Skupština JP «RAD» d.d. Tešanj razmatrala je Izveštaj o poslovanju za 2022. godinu i u skladu s odredbama člana 6. stav 2. Zakona o javnim preduzećima isti dostavlja Općinskom vijeću Tešanj. Izveštaj o poslovanju obuhvata:

1. Izveštaj o poslovanju preduzeća,
2. Finansijski izvještaj i Izvještaj nezavisnog revizora,
3. Izvještaj o radu Nadzornog odbora,
4. Odluku Nadzornog odbora o usvajanju Izvještaja o poslovanju, i
5. Odluku Skupštine dioničara o usvajanju Izvještaja o poslovanju.

U skladu sa zaključcima Općinskog vijeća Tešanj, poslovna aktivnost JP «RAD» d.d. Tešanj, u toku 2022. godine trebala je biti usmjerena na slijedeće (zaključci iz maja 2022. godine):

1. Smanjenje gubitaka vode u sistemu narednih pet godina, za 1% godišnje, uz implementaciju ciljeva Strategije za obezbjeđenje novih količina vode;
2. Unaprijediti infrastrukturu za prikupljanje i odvoz otpada te zadržati trend na povećanju broju korisnika kroz implementaciju Plana upravljanja otpadom općine Tešanj 2020-2024;
3. Intenzivirati aktivnosti na podizanju svijesti o važnosti pravilnog sakupljanja i odlaganja otpada, u cilju povećanja broja korisnika koji vrše razdvajanje otpada na mjestu sakupljanja, a sve u cilju povećanja količina recikliranog otpada. (1% od ukupno prikupljenih količina);
4. Na listi prioriteta JP „RAD“ d.d. Tešanj i dalje treba da bude etapna zamjena azestnih cijevi koje se nalaze u vodovodnom sistemu;

Smjernice i zaključci Općinskog vijeća u okviru kojih je trebalo da se odvija poslovanje JP «RAD» d.d. Tešanj trebalo je ostvariti realizacijom slijedećih ciljeva i mjera:

- a) proširenje područja isporuke usluga (povećanje broja korisnika kroz preuzimanje na upravljanje novoizgrađenih vodovoda, kanalizacije,...);
- b) poboljšano operativno upravljanje (poboljšano očitavanje, fakturisanje i naplata, proširenje telemetrije te baždarenje i zamjena vodomjera);
- c) poboljšano upravljanje imovinom (investiciono održavanje vodnih objekata, definisanje statusa vodnog dobra, zamjena dotrajalih stalnih sredstava);
- d) poboljšano finansijsko upravljanje (pozitivno poslovanje, održavanje visokog stepena naplate, likvidnost preduzeća);
- e) poboljšanje organizacije i upravljanja ljudskim resursima;
- f) smanjenje neoprihodovane vode;
- g) izgradnja kapitalnih infrastrukturnih projekata (donošenje plana kapitalnih ulaganja i realizacija istog).

U toku 2022. obnovili smo PSA ugovor (Ugovor o vodnim uslugama potpisan između Općine i JKP RAD) u skladu sa Metodologijom utvrđivanja najniže osnovne cijene vodnih usluga u FBiH gdje su utvrđeni ključni indikatori uspješnosti u okviru realizacije PSA ugovora definisane su ciljne vrijednosti gubitaka/neoprihodovane vode u sistemu. **Postavljeni cilj za 2022. godinu je iznosio 25% ili manje a ostvareni rezultat 25,85%.**

Poduzet je niz aktivnosti na saniranju kvarova, zamjena azbestcementnih cjevovoda, ugradnja zonskih vodomjera sa radijskim očitanjem i aktivnoj detekciji kvarova, a sve u cilju smanjenja neprihodovne vode. Imajući u vidu starost vodovodne mreže daljim ulaganjem u nadzor telemetrije, nadzor nad sistemom granskih vodomjera, rekonstrukcijom cjevovoda te drugim mjerama, može se očekivati dalje smanjenje gubitaka u sistemu. Ove aktivnosti uključene su u Poslovni plan preduzeća za naredni period.

U toku 2022. godine preduzeće je uzelo učešće u gradnji novog bunara PEB-3, obezbijedili su priključak struje. Predstavnici JP "RAD" su aktivno uključeni u nastavak realizaciju projekta Općine Tešanj izrada "Studije dugoročnog snadbijevanja vodom općine Tešanj". Tokom prošle godine preduzeće je realizovalo niz investicionih ulaganja a neka najznačajnija su: traktor sa priključcima, kolska vaga, nova ploha deponije, pumpna stanica Krndija, rekonstrukcija cjevovoda ul.Braće Kotorića i ostalo.

Važna započeta aktivnost u 2022.godini jeste izrada Predstudije mogućnosti korištenja solarne energije obzirom da JP Rad ima značajnu potrošnju električne energije na godišnjem nivou. Predstudija je pokazala da bi investicija bila ekonomski isplativa i period povrata uložених sredstava bi bio do šest godina. Potpisan je Sporazum sa UNDP gdje je njihovo učešće 120.000KM uz dodatno učešće za troškove projektovanja solarne elektrane. Procijenjena vrijednost ukupne investicije je 420.000KM.

U toku 2022.godine JP "RAD" je nastavilo aktivnost na informisanju javnosti o mogućnosti korištenja besplatnih kanti za otpad za nove korisnike, te na promociji važnosti organizovanog prikupljanja i deponovanja otpada. Prikupljanjem i deponovanjem komunalnog otpada u 2022.godini obuhvaćeno je **9.668** korisnika (8.584 domaćinstva i 1.084 ostali korisnici) što predstavlja povećanje od **439 novih korisnika ili za 4,76% više** nego prethodne godine. Osim toga tokom 2022. godine zamijenjeno 125 oštećenih posuda za otpad, zamijenjeno 5 oštećenih kontejnera, podijeljeno 180 posuda za miješani komunalni otpad te 18 posuda za odvojeno prikupljanje otpada i kroz aplikaciju kantonalnog ministarstva osigurana nabavka 100 posuda za odvojeno prikupljanje otpada te 100 kompostera (nabavka u toku).

U saradnji sa Kantonalnim ministarstvom osigurano sufinansiranje u iznosu od 90.000 KM za nabavku traktora sa priključcima za zimsko i ljetno održavanje puteva. U saradnji sa općinom Tešanj i kantonalnim ministarstvom osigurano sufinansiranje izgradnje nove plohe na deponiji (općina Tešanj 150.000 KM, ministarstvo 33.000 KM, JP RAD 224.160KM). Radovi na novoj plohi su u toku. U saradnji sa Fondom za okoliš osigurano sufinansiranje u iznosu od 35.000 KM za nabavku i ugradnju kolske vage na deponiji. Na osnovu iznesenih podataka može se konstatovati da je ostvaren značajniji pomak u povećanju korisnika odvoza otpada u odnosu na protekle godine. Potrebno je naglasiti da preduzeće aktivno radi na provedbi Plana upravljanja otpadom i o tome redovno izvještava Općinsko vijeće.

Realizujući smjernice Općinskog vijeća o podizanju svijesti o važnosti pravilnog sakupljanja i odlaganja otpada u cilju povećanja broja korisnika koji vrše razdvajanje otpada na mjestu sakupljanja, podaci su sljedeći:

- u toku 2022. godine organizovano je prikupljeno i deponovano 10.530 t mješanog komunalnog otpada što je za 182 t otpada ili 1,7% manje nego u prethodnoj godini;
- u toku 2022. godine na području Općine putem komunalnog preduzeća je prikupljeno 16,39 t sekundarnih sirovina odnosno otpada za recikalžu te 55 t biorazgradivog otpada putem kompostera. U odnosu na ukupno prikupljene količine otpada (10.530 t) to čini 0,64% ukupno prikupljenih količina. Na osnovu ovih podataka potrebno je naglasiti da i dalje treba da ostane aktuelna realizacija zaključka o povećanju količina recikliranog otpada (1% od ukupno prikupljenih količina);

Aktivnosti na podizanju svijesti o važnosti pravilnog sakupljanja otpada provode se kroz Plan upravljanja otpadom.

JP "RAD" je u cilju realizacije Zaključka o kontinuiranoj zamjeni azbestnih cijevi u 2022. godini:

- rekonstrukcija potisnog ACC cjevovoda DN355 u ulici Braće Kotorića u Jelahu
- rekonstrukcija povratnog ACC cjevovoda DN225 u ulici braće Kotorića u Jelahu
- Rekonstrukcija ACC cjevovoda DN 110 u ulici Maršala Tita u Jelahu

Izvjestavanja o realizaciji sporazuma potpisanog po osnovu tužbi uposlenika prezentirane su najnovije informacije vezane za ovu problematiku: od ukupno 83 tužbe, zahtjev za izvršenje nisu pokrenula 3 uposlenika, dok je ostalih 80 uposlenika pokrenulo zahtjev za izvršenje. Sa uposlenicima je potpisano 55 sporazuma koji definišu način isplate, broj rata i odricanje od kamate. Ovim je obezbijedena značajna ušteda preduzeću i usaglašena obročna isplata. Ostalih 25 tužioca su odlučili da čekaju konačna sudska rješenja i jednokratne isplate. Pregled stanja sa 31.12.2022. godine:

Podnosioci zahtjeva za izvršenje	Ukupan dug (KM)	Isplaćeno sa 31.12.2022. (KM)	Ostatak duga (KM)
80	1.401.541	1.282.637	118.904

Povećanje broja korisnika usluga kao jedan od postavljenih ciljeva realiziran je na slijedeći način: usluge vodosnadbijevanja pružane su za **9.037 korisnika** što je u odnosu na 2021. godinu 272 korisnika više ili 3,10%. Do promjene broja korisnika usluge vodosnadbijevanja dolazi zbog redovnih zahtjeva građana, dijelom proširenja vodovodne mreže u MZ Raduša te na vodovod Pousorje i novoizgrađenim objektom za kolektivno stanovanje. Tako se može konstatovati da je 2017. godine na javnom vodosnadbijevanju bilo 7.626 korisnika što predstavlja povećanje od **1.411 nova korisnika** do 2022. godine.

Tokom 2022. godine isporučeno je **1.538.578 m<sup>3</sup>** vode što je za 4,82% više nego u 2021. godini. Zbog značajnog povećanja broja korisnika na javnom vodosnadbijevanju na godišnjem nivou dolazi do značajnog povećanja isporučenih količina vode, **pa u periodu od 2017. godine kada je isporučeno 1.297.664 m<sup>3</sup> vode do 2022. godine isporučena količina vode povećana za 240.914 m<sup>3</sup>.**

U distribuciji otpadnih voda tokom 2022. godine registrirano je **3.342 korisnika ili povećanje od 3,15%** odnosno 102 nova priključaka. U posmatranom periodu fakturisano je **668.407 m<sup>3</sup>** otpadne vode ili 5,06% više nego prethodne godine. Razvoj kanalizacione mreže koji realizira Općina Tešanj omogućio je povećanje broja korisnika.

Realizujući svoje postavljene ciljeve JP "RAD" d.d. Tešanj u toku 2022. godine, ostvarilo je ukupne prihode u iznosu od **4.925.750 KM ili 8,4% više** nego u prethodnoj godini. U izvještajnom periodu ostvareni su ukupni rashodi u iznosu od 4.430.625 KM ili 7% više nego u prethodnoj godini, te bruto dobit preduzeća u iznosu od 74.176 KM što je za 38,84% manja nego u prethodnoj godini. Kao jedan od glavnih razloga povećanja rashoda a time i značajnog smanjenja dobiti preduzeća, ističe se neekonomska cijena vodnih usluga. Naime, cijene komunalnih usluga formirane su 2008. godine. U proteklom periodu od 14 godina došlo je do promjene cijena repromaterijala, goriva, energenata i drugog materijala potrebnog za normalno funkcionisanje preduzeća. U ovakvim okolnostima (rast troškova: cijena električne energije, materijala, troškova rada i sl) i istim cijenama komunalno preduzeće Rad nije imalo potencijal za nova ulaganja. Stoga očekivanja novih ulaganja treba realno sagledavati.

Općinsko vijeće Tešanj usvojilo je Metodologiju o načinu formiranja cijena vodnih usluga. Izračun cijene po osnovu ove Metodologije trebao bi obezbijediti ekonomsku cijenu vodnih usluga koja bi pokrivala stvarne troškove pružanja vodnih usluga.

U okviru sistema ISO 9001:2015 i shodno zahtjevima MEG projekta realizirane su aktivnosti, redovno, jednom godišnje provodi se anketiranje zadovoljstva korisnika usluga. Od ukupno anketiranih 83,25% se izjasnilo da su zadovoljni uslugama, 5,5% je nezadovoljno pruženim uslugama dok se 11,25% izjasnilo da je neutralno ili nije dalo odgovor (uglavnom se radi o korisnicima koji ne koriste usluge vodosnadbijevanja i odvodnje). U okviru upitnika korisnici usluga imaju mogućnost da daju primjedbe i sugestije koje se analiziraju i poduzimaju mjere za povećanje zadovoljstva korisnika. Rezultati ankete se objavljuju na web stranici preduzeća.

Na kraju 2022. godine preduzeće je zapošljavalo 102 radnika, od toga zaposleno 10 žena i 92 muškarca. Uposleni su u toku godine ostvarili prosječnu neto platu u iznosu od 1.101 KM ili 3,96% više nego u 2021. godini, topli obrok po radniku isplaćen je u iznosu od 207 KM i veći je za 1,25%, dok je regres isplaćen na prošlogodišnjem nivou u iznosu od 531 KM. Istovremeno je maksimalno isplaćena plata u firmi iznosila 2.659 KM ili 9,9 % više nego pretodne godine, a najmanja plata povećana je za 5,73% i iznosi 701 KM.

U toku 2022. godine Nadzorni odbor preduzeća održao je ukupno **14 sjednice**, na kojima su razmatrana pitanja iz nadležnosti Nadzornog odbora. O svom radu Nadzorni odbor redovno izvještava Općinskog načelnika i resornu Službu dostavom zapisnika o održanim sjednicama. Nadzorni odbor je mišljenja da je Izvještaj o poslovanju preduzeća za 2022. godinu realan te da je na analitičan način prikazao poslovanje preduzeća. Sjednice su održavane prema ukazanoj potrebi.

### **Zaključci i smjernice Općinskog vijeća Tešanj za JP „RAD“ u 2022. godini**

---

1. Smanjenje gubitaka vode u sistemu u narednih pet godina, za 1% godišnje, uz implementaciju ciljeva iz Strategije za obezbjeđenje novih količina;
2. Unaprijediti infrastrukturu za prikupljanje i odvoz otpada te zadržati trend na povećanju broja korisnika kroz implementaciju Plana upravljanja otpadom općine Tešanj 2020-2024;
3. Intenzivirati aktivnosti na podizanju svijesti o važnosti pravilnog sakupljanja i odlaganja otpada, u cilju povećanja broja korisnika koji vrše razdvajanje otpada na mjestu sakupljanja, a sve u cilju povećanja količina recikliranog otpada (1% od ukupno prikupljenih količina);
4. Na listi prioriteta JP "RAD" d.d. Tešanj i dalje treba da bude etapna zamjena azbestnih cijevi koje se nalaze u vodovodnom sistemu;



**SKUPŠTINA**

Broj: 180/23

Datum: 25.04.2023. godine

Na osnovu člana 26. Statuta preduzeća, 28. (dvadesetosma) Skupština dioničara JP "RAD" d.d. Tešanj održana 25.04.2023. godine, donosi

**ODLUKU**

**o usvajanju Godišnjeg izvještaja o poslovanju JP "RAD" d.d. Tešanj za 2022. godinu**

**I**

Usvaja se Godišnji izvještaj o poslovanju JP "RAD" d.d. Tešanj za 2022. godinu koji uključuje finansijski izvještaj, izvještaj nezavisnog revizora i izvještaj Nadzornog odbora.

**II**

Odluka stupa na snagu danom donošenja.

Dostaviti:

- Nadzorni odbor
- Uprava preduzeća
- ⊖ Općina Tešanj
- a/a



**Predsjednik Skupštine**



Karahmet Amel, dipl. ekonomista

